

百名家詩選

小引

魏子曰余兩造先生之廬矣庭閒碧草門枕青
峰未得請見也偶于雲間晤方貽給諫始得讀
先生詩猶之乎晤其人焉辛亥夏中余客姑蘇
先生奉新綸入告與余舟首尾並發顧茂倫
計甫草諸同人道先生之意邀余晉謁余逡巡
遜謝曰有先生之詩在猶之乎晤其人焉因閉
蓬窗細爲論次喜其應制則臺閣莊嚴館課則
條達敷適感事述懷則慷慨激揚贈荅唱酬則

情詞斐疊不啻入李杜之場而拔其赤幟使褊裨皆唯唯聽命矣朕先生之言曰情有所未能忘使人共見其情而不以爲累則先生之詩卽先生之情也以先生之情而爲詩則余之未晤其人也讀其詩可也

百名家詩選

福清魏憲惟度輯選

南宮杜鎮子靜錢塘趙吉士天羽

叅

鄞縣胡文學道南南城吳學炯星若

嚴沆字穎亭餘杭人

燕臺懷古館課

杖策俯原莽徘徊眺京闕易水澄秋風靈山蔽
林樾昭王昔全盛曾宮倚孤碣金臺摩蒼穹桂
館瞰溟渤繁華未及已春陽坐銷歇服食求神

仙三山淼難卽 皇圖啓鎬洛玉帛賁朝臬文
教旣誕敷來王建窮髮信美瞻宗周鬱葱超百
葉感往愴歲年撫時誦陳列

寄懷無救叔二首

喬木摧本根連理瞻同枝明發一以悲慨焉有
餘思焚糞義何厲比豆恩無移侍陳賜餘瀝刻
燭命新詩朝景披風簾蕙氣吹參差浮沉乍金
門夢想遘光儀秋山紆杖屐上客娛琴碁達生
旣冥趣頌酒誠忘疲倘垂刻鵠訓永爲直已規

又

昔圖有三壽琴樽儷同堂起京僂言笑爲樂如
未央黃髮變鬢黑白眉颯已長藍輿疎市陌屣
履步中唐索米托遠遊吏隱非長庚撒鹽憶薄
詠負劒睽攜將春湖饒蓴鱸浩狀引壺觴遂初
契本性遙想安能忘

喜雨

館課題余以
是日散館

春原靄延景流光鑠長薄蓬沙隱青郊霏爐含
朱閣玄陰忽霽黠靈雨紛布濩土膏滋翠麥砌

潤翻紅藥空冷谷溜通蔥蒨巖花落翼尾淨群
動鱗疇輸衆壑鋤笠戒農時籌車冀秋穫拄笏
送山雲垂鞭望南郭涵濡媿無成斐然謝述作

報國寺雙松

燕山突兀幾千載四百餘年景物改惟有慈仁
雙老松霜皮剝落至今在其一婆娑勢攬地撐
拏詰曲春雲覆一株稍欲干層霄却顧徘徊意
相待紛旂密葉生風濤屹立虬根坑真宰慣看
城市變烽煙幾見桑田作滄海何年紺殿啓琳

宮石欄蹬道盤虛空飛花濛濛日月靜溜雨黯
黯神靈通大都月市番估集胡床翠幕陳西東
哥柴古窰周漢鼎陸離法物羞雷同似與雙松
校年歲必有真賞窺鴻濛日斜人散蒼煙重倒
景上殿雲龍慈軒車冠蓋繆相歎肩摩轂擊勞
過從吁嗟此松澹蕩有真意只愁化作雙虬龍
直上燕山絕壑一往不得見悵望千峯與萬峯
題贈孫北海先生退谷

西山冥冥水蕭蕭谷口幽人誰見招馬蹄蹴踏

狹邪路塵飛日暗咸陽橋北海先生結廬處山
風歷歷檐前樹自有圖書屋裏藏不勞車轍門
邊駢晉人法書唐人畫周鼎宋磁不論價宣和
御印硃鮮新景陵署欵翠相射石床梁積書架
平竹光巖靄繚縱橫昔人已遠物亦貴懷古悲
時無限情請看滾滾東西南北人奔走富貴勞
其身一官寄跡山林典翻似煙霞鄭子真

田凝只索畫久不得報歌以代柬

我昔平湖弄秋水酒酣最愛群峯青興來落筆

寫山色泉石出沒雲冥冥一日十紙不厭速貴
取繪意非傳形三春索米長安陌馬足涔泥滯
行迹西山玉河在眼前神昏擊強真意隔案頭
細素委零亂貴游尺一相迫索必逢好友情性
諧吮墨含毫始光澤鸞坡舊侶多忘機吾子趙
氏連城壁吳綾一幅皎秋霜經年未敢輕點畫
首秋暑退風簾開疎雲細雨滋綠苔玉盃烹茗
泛香雪十指拂拂神初來故舒直幹筆一放試
疊層巒煙欲剋須臾脫手天宵森此事原堪一

朝了不嗔濡滯嗜我真相遲霜前看雲嶠

紫驕馬

絕漠發宛城嘶風紫電行鬣舒移影疾腕促踐
塵輕花汗旋看落蘭筋怒不平祇應思萬里羈
綬起長鳴

梅花落

塞北梅曾見春風笛裏多影疑邊月近寒傍朝
雲過細萼飄絃管餘香散綺羅江城家萬里霜
色上橫戈

新秋雨霽

霽色秋郊靜
松風接翠巒
歸雲幾闕迥
初日萬家寒
玉碣流仍駛
金莖露未乾
鳳池陪也翰爽
氣滿長安

贈施尚白比部二首

才華金馬客
侍從白雲司
幾上甘泉頌
常吟曲水詩
退朝仙佩轉
過闕玉驄遲
聞道玄文就
君山許獨知

湖上登臨日
曾陪謝客遊
題詩紅葉落
鼓棹白

蘋秋聯轡重金闕看山傍玉溝陽春知絕唱明月倘能投

賦得春寒花較遲

東陸春初報青陽日未熙節移蕤漸長寒細柳偏遲殘雪西山麓微霜上苑枝含芳待恩澤佇看景風吹

賦得長安一片月

朔雲飛盡鳳城秋水遶宮牆夕照流乍有清光生碧漢卽看爽氣入朱樓狹邪燈火千門迥禁

掖松杉萬樹幽解道邊笳烽燧息不勞砧杵玉
關愁

同胤倩夜話有懷西溪舊侶

十年河渚戀幽栖萬樹梅花遶碧溪每憶羊何
移棹晚數來猶阮到門齊春星走馬憐簪筆斜
日看雲阻杖藜燕市酒徒驚座客將因話舊感
鳴鷄

八月早朝太和殿

紫禁鳴鐘五夜催玉階仙仗綵雲隈香縈萬戶

龍車出影靜千官曙色開夾道旌旗星斗合中
天蕭管鳳皇來更隨東閣經邦地却媿長楊作
賦才

送查巢阿令新興

海東門第晉瑯琊才子翩翩屬大家不擇南州
綠斗米可知勾漏有丹砂枕椰雨過雲依戶翡
翠花深吏散衙庾嶺春風肯相憶折梅萬里望
京華

駕幸瀛臺侍從恭紀

館課

翠蓋龍旗入建章
啼鶯百轉柳初黃
昆池水泮三山近
阿閣花深九陌香
徑轉虹梁通紫極
庭含玉樹隱霓裳
侍臣緩步隨鸞輅
岡上應看集鳳凰

寒食出永定門掃祖墓有感

逢時端欲重清門
索米兼容拜九原
可是牛眠瞻祖德
能畱馬鬣亦君恩
翻悲故國先靈遠
何處青山落日昏
老母肩輿聊悵望
百年親爲剪蘋蘩

卷之二十一
送龔芝麓先生使粵東

潮陵衰柳映平蕪持節爭看汲大夫元老風霜
標冀闕清時雨露下番禺千山象羆蠻煙合
萬里羊城塞月孤此去那論河內火流民應上
使臣圖

送柴虎臣歸里

偶攜詞賦客燕關避世仍勞小艇還高枕自娛
鴻寶冊荷棚終愛鹿門山石城五月披裘過鷺
嶺千峯放鶴閒却媿浮沉金馬客未容蓴鱸共

追攀

懷季天中遼左

萬里邊城問謫居躬耕遼海意何如
龍沙更作投湘賦鳳闕長懸諫獵書
鳴綠流澌春水下醫閭積雪暮寒餘
柳條漸識陽和近未必君恩雨露疎

送龔天階司李南州

鳳池遷客歎離群佐罷南州水國分
彭蠡秋濤蒸曉日匡廬飛瀑瀉春雲
閣中榮戟臨才子闕

下簫韶憶 聖君西去長沙知不遠卽歸應有
弔湘文

寄子問家兄

關頭柳碧又三春送別詩篇久愴神相讓五湖
兄是長乍隨 三殿朔稱臣一官薄祿逢時拙
半畝閒園乞食貧多負仲容依躡屐可教松竹
過西鄰

秋祭歷代帝王恭紀十韻

闕宮崇秩事西陸逮秋成一氣通群帝千年拱

上京乾坤留道法
勝蠻合寅清鳳曆傳
天位龍旗萃兩楹
冕旒凝露氣劍履肅
風聲華黍璫籩列
香雲寶鼎生純犧登
俎重玄水上尊明秉
瓚縱金震升堦
鉛玉鳴編鐘宣磬
筦八佾舞咸莖克
配看昭假高齊萬
古名

水師凱旋歌四首

館課

樓船下瀨棹歌輕
虎士金戈組練明
萬里風濤迴島嶼
五雲王氣拱神京

積水窮桑蜃氣開
戈船疊鼓起鳴雷
海東盡看

車書入銀甕金輿次第來

千櫓萬觥集江洲散馬壘桑猛士休見說 皇

威彌八極珠崖亦在海南頭

錦帆遙下白雲間雪甲霜刀賦入關 聖主雄

才殊漢武不勞方士問三山

慰戴經碧喪妾

蕙帳煙銷委穀衣彩鸞一去不知歸愁窺落月
湘簾暗只有梁間玉燕飛

長日花間下玉驄共斟仙露飲春風淒涼獨有

相如在取酒誰看作賦工

題畫與伊翁庵

石稜苔剝氣高寒古木蕭森落葉丹
種竹春雲垂紫籜小山莫作桂裝看

賀鄧玉書新婚

瀛洲仙史校書晨蕙帳重開貯玉人
見說江城楊柳色移將雙闕不勝春

爲約朝雲下碧虛徐家與妹有傳書
新縑舊素知何似織就鴛鴦總不殊

小引

魏子曰嗟乎大造無私何竟以青鏤管厚荔裳先生耶余讀安雅堂古文辭于經擬尚書于史擬左國龍門雖日恣丹青與從遊諸子習之無斁未嘗不私心妒之迨讀其北寺詩則怒焉以憂讀其二鄉詞則躍然以喜嗟乎始妒之旣憂之終喜之余之傾倒荔裳也至矣因取其新舊諸集合刻以傳且颺言天下曰詩尊三百篇尚矣歷千年而有盛唐諸子歷千八百年而有弘

嘉諸子歷二千年而有 昭代諸子非不蒼然
盛也皆未見其自由性靈本三百篇而變化之
譬齊晉諸君彤弓弧矢受命宗周矣猶堪自霸
一方也等而下之則田韓趙魏受封齊晉矣再
而遍其傳則信陵平原孟嘗之徒且受封于田
韓趙魏矣雖專其國政勢若二君以齊晉諸王
視之直稽首稱臣耳獨蒞裳傑焉自命劈北地
之藩籬踞信陽之垣墉歷下竟陵顧奉冠帶而
祀春秋也豈不以文武之權行堯舜之事曰道

在今古柰何以王霸雜治之則統以一矣位以尊矣極以立矣彼吳楚稱尊者猶不及邾莒小侯也亦淺之乎爲丈夫矣今荔裳且總憲蜀中幾屏劍閣之間必有以發其聰明而涵其德性者請以予言榜諸浣花草堂焉

百名家詩選

福清魏 憲惟度輯選

曲阜孔胤樾心一 開化方元啟竹友

叅

吳縣范 周挺嶽 六合袁 綰漢推

宋 琬 字玉叔號荔裳萊陽人

春日同沈象調陳路若集米吉土齋中分

得庚字

旅臥不成寐遙愛西山晴朝光曜衣屢嘶嚶聞
初鶯故人隔深巷車轍分縱橫良辰相與惜往

往多徒行喜無髮可櫛盥畢扣柴荆素心三五
人列坐堂軒楹開樽話疇昔使我心骨驚大兒
翦春蔬次兒吹玉笙新雛弧尚懸隔戶聞啼聲
相顧慰懷抱傾倒及茶鐺亦不復揖來亦不
復迎空山多白雲雙犢同爾耕

徐塘口曉發

舟過十六閘快如脫深井篙師喜不眠鳴榔夜
相警暉暉星欲稀獵獵風初猛登艫一長望澄
波浩千頃樹杪見黃河蛟龍得所騁上下白雲

光凌亂蘆花影宿鷺浴還飛驚鴻斷復整孤棹
破寒煙荷衣不知冷

張幼量古劍歌

有客傳書滄海東貽我寶劍光熊熊龍鱗鳳脊
不復識開篋蜿蜒生白虹張君今之魏公子好
古懷奇性所喜急難偏憐趙勝危虛恭能使侯
羸死一朝刷地出湛盧雌雄再向豐城起拭以
華陰山下之紫泥濯以浩汗東流大江水鶚鵝
寒光不可藏星辰夜閉珊瑚甌銳頭奚兒虬作

鬢三尺錦囊常負趨攜舞樽前聊娛客空堂似
有蛟龍呼五陵貴人欲相奪君執不可顏色沮
酒酣顧余恒促膝笑指蒼天交皎日何由邂逅
有心人脫手霜鐔佩其一戈鋌沸地箭滿眼未
肯須臾暫相失故人臥病久離羣豈意寒暄到
白雲參差宛帶芙蓉影滅沒還疑蛭蚪文冰雪
交情有如此始知世上空紛紛自昔神物稱難
遇春日蒼茫隔煙樹報君遙吟寒鴻飛掛壁蕭
蕭走風雨

長歌寄懷姜如須

甲寅之歲汝降初我生後汝七月餘竹馬春風
事游戲雞犬暮歸同一問君家黃門早射策盛
年謁帝承明廬有兒顏色嬌勝雪珠襦繡襪青
羊車予時抱持著鄰上許以弱女充埽除是時
兩姓雁行敵絳華朱萼相扶疎操觚握槩衆所
羨汝南穎上名非虛城東茅屋先人築清渠一
道穿喬木同輩相攜五六人縹緗羅列開籤軸
冬菁作飯飽饗殮布衾共臥忘休沐自是轅駒

行步遲却看鵬鶚拚飛速當時天步日艱難戎
馬交馳疆圉蹙盜賊縱橫買誼哀國是紛紜蔡
邕逐鉤黨方嚴誰見收多君置橐供饘粥一朝
變起塵沙飛老親白首同日歸骨肉摧殘那忍
道餘生孤子將疇依渡江浮海無消息飄泊不
辭寒與飢予歸已類遼城鶴十人九人存者稀
行經舊巷不復識高臺傾圯無門扉旅穀生庭
故井塌鵲鴉晝嘯狐狸肥有客傳書知汝在但
言北望常霑衣攜家流落栖江左出處憐余無

一可舊業雖餘數頃田犁鋤欲把誰能那况復
陳雷風俗衰青兕玄熊啼向我應詔公車解褐
衣勉尋升斗羞卑瑣兔絲未附女蘿枝明珠已
碎珊瑚顆三十餘年倍苦辛回頭萬事傷心夥
君有慈幃吾母同老人苦欲思山東男呻女吟
歸不得到今兄弟猶飄蓬給諫桐鄉有遺澤季
也常依臯伯通展轉崎嶇二千里蓄甘負米心
慙慙伯兮贈贈遭戕賊黃鳥之詩傷我衷鶴鴒
高冢鬱相望簪何榮盛今何窮古人四十稱強

仕爾我年猶非暮齒形骸老醜青鏡中髣毛鐸
盡還復起語云憂患能傷人孝章詎有長年理
江上春風變柳條尺書忽墜來雙鯉上言別後
長相思長跼開絨淚盈紙扁舟欲來蛟怒號采
采芙蓉隔江水君不見周周之禽最微細羽翼
相啣不相棄又不見交讓之木柯葉同南枝歲
甦北枝瘁少年意氣輕雲霄中道飄零共憔悴
吳門市卒避人知潮上將軍逢醉尉富貴升沉
安足論要當努力千秋事歌罷空堂驟雨來燈

火青熒秋不寐

送顧勉齋督餉關中

柳色依依邊馬鳴故人萬里賦西征
漢江舊繞褒斜谷蜀道新懸驃騎營
磧裏梅花春不度樓中羌笛夜偏清
相看懷抱蕭條盡隴水秦雲雁幾聲

寄沈惠孺郡丞

短褐論交得沈侯登山臨水見風流
還同謝朓來姑孰曾酌平原過趙州
古驛月明漁笛遠長

淮春盡柳絲柔
歸航多載秦郵酒
共醉君家八詠樓

寫哀

幽憤嵇中散
悲歌楚左徒
子材誠不逮
其事若相符
犂犂嗟男子
申申詈女嬃
巫咸渺終古
風雨闕難呼

憔悴南冠繫
淒涼北寺門
凍雲添夜哭
怪鳥下朝墩
百代臯陶廟
前朝李杜魂
欲排闥闔
問虎豹一何尊

懷王敬哉先生兼謝

時黃河決濟兗間

蕭條歲月孰華予行坐徘徊靡所如刀俎堪驚
身似鹿雲霄還念食無魚但留東海栽桑地敢
作南山種豆書聞道宣房薪未塞欲從太史問
河渠

江南曲

蒹葭池塘隔畫橋月明樓上美人簫十季不到
傷心地夢逐長江來徃潮

聽鐘鳴

余覽北魏詩有蕭綜聽鐘鳴悲落葉二
篇詞甚悽惋彼以貴藩播越不失顯廕
然尚內不自得有憂生飄泊之嗟矧余
羈囚日與法吏爲伍每當宵箭將終晨
鐘發響淒戾之音心飛魂慄詎必聽猿
而涕下聞琴而累歎哉歲時晚晚庭樹
凄然爰效其體以識余之憤懣焉

聽鐘鳴所聽非一聲一聲纔到枕雙淚忽縱橫
白頭老鳥作鬼語羣飛啞啞還相驚明星落悲

風哀關山宕子行不返
高樓思婦難爲懷何況
在羅網夜半聞殷雷無
糜復無褐腸內爲崩摧
聽鐘鳴心獨苦獄吏抱
鑰來不許吞聲哭

悲落葉

悲落葉落葉紛相接無
復語流鶯飄搖舞黃蝶
朝如繁華之佳人夕作
蘼蕪之棄妾因風起從
風飛放臣羈客那忍見
攀條攬扼空沾衣徘徊
繞故枝柯幹長乖違凜
凜歲云莫此去將安歸
悲落葉傷心曾願因征
鳥翼吹我到鄉中

大雪自卦臺宿張秀才家

看山不厭遲暝色一何速雪花埋馬蹄迺就田
家宿秦風無索綯白板新泥屋主人食且閒解
種蒲園竹答云遠廛市新厝未曾讀昨因賽先
農豚肩會宗族幸有濁醪存使君盡一斛夜聲
靜雞犬朝光見麋鹿告歸且復留公府下尺牘
何日謝簪纓還山買黃犢

翁玉予以蕭人木畫杜子美詩冊索題

蕭生畫手稱絕妙風格遠過文待詔曾貌天問

與九歌荒唐隱怪皆殊省三閭大夫色憔悴山
鬼乘貍善窈窕解衣盤礴余在旁舉杯向天發
狂嘯翁侯酷愛少陵詩驚人佳句常相隨手裂
生綃三十幅蕭生一一丹青之浣花草堂若在
眼劍門棧道橫參差罷榷歸來無長物獨攜此
冊還京師長安公卿頗好事書畫寧復論真假
百鎰始購宣審杯千金賡買銅臺瓦此圖一出
價必高翁侯愛翫不肖捨卽今遷謫轉蕭瑟欲
歸無舟陸無馬翁侯翁侯誰令爾愛杜陵翁千

秋坎壈將無同蘆花采采雁南渡笠澤煙水秋
漾漾君歸結廬在何處余欲攜竿學梁鴻蕭生
夙有五湖志何不招隱來江東嗚呼何不招隱
來江東畫君與余持竿垂釣秋風中

釣臺圖歌贈馬蘭臺山人

九嶷山人聊翫世代波將軍之苗裔家在漢陂
紫閣間孤情獨與煙霞契彈箏叩缶本秦聲裂
芟爲衣背楚製儒冠誤人幾半生秋風屢雪劉
蕡涕長焚筆硯事丹青潑墨吮毫稱絕藝橫皴

酷似黃大癡細染還宗吳仲圭近代以來數文
沈嘉隆而後作者誰山人工意不工似匠心自
山無專師盧龍山水頗不惡韓家釣臺尤最奇
一峰高入白雲裏登樓坐見滄海湄游人欲繪
每束手譬如寫照難鬚眉一日坐我悠然堂解
衣盤礴無人窺須臾圖成掛諸壁高巖邃谷光
參差瀕澹旋渦漁艇立窈冥洞口煙蘿垂主人
韓生有狂癖此臺自爾高曾貽見圖再拜悲且
喜重之不啻商尊彝便買貞珉勒山側酌酒欲

告山靈知山人此別欲何往贈汝一枝筇竹杖
避世宜從麋鹿羣結廬高臥仙人掌寧恤牀頭
妻子飢要令胷中丘壑長我今持節越王城蘭
渚剡溪恣偃仰預拂霜綃以待君一揮欲使羣
山響記取雪深一丈時山人須鼓山陰槩

放歌行贈馬羲徵

畫花如欲語畫鳥如欲飛徐黃已往不可作近
數淮南馬布衣蹇驢箬笠來燕市五侯屏幃生
光輝尤善蒼鷹及鴻雁楓林颯颯蘆花稀霜拳

未下狐兔走碧波羣啖荇藻肥我從隴首來攜
得一鸚鵡顧影輒哀鳴交交急儔伍君繪其
桐花陰素壁雕籠相向舞雪衣化去委蒼苔片
青尚爾留風雨高士從來信不羈雲林迂絕虎
頭癡狂歌白眼每驚座醉臥青樓醒畫眉鸛鵲
典後復何有但言貰遍盧龍酒只今八月鴈來
時袖中秃筆還如帚一幅吳綃沽一斗

寄王敬哉詹尹

不見王詹事相思隔禁林傳經家學遠求劍主

恩深萬里驅車地三年避弋心瑤華如可寄一
和隴頭吟

劉越石聞雞處

衰柳平沙古渡村傳聞此地舞劉琨鞭惟祖逖
能先著客有盧諶感舊恩江左衣冠空北顧古
來天地此中原雞聲依舊清霜曉招得并州萬
里魂

邯鄲

趙王宮北古叢臺歌舞當年翠輦來白馬大梁

公子過黃金東海魯連回三千珠履人何往十
五銀箏歌自哀寂寞平原抔土在麒麟荒缺臥
蒼苔

驛夜

濁酒更深醉不辭短檠疎簾怯涼颼樓邊哀雁
飛何早海上鱸魚歸又遲銀漢欲斜爲客夜金
釵初墜憶眠時空閨應有刀鐏夢泣向流黃說
髣髴

銅雀臺

三臺縹緲鬱相望
俯眺中原接太行
鳳背香殘歌舞散
魚鱗瓦冷館池荒
漆燈詎有千年焰
總帳空施八尺牀
何似金人汾水上
茂陵風雨泣劉郎

雲臺觀

三峰峰下羽人居
夾道青松覆碧渠
金榜蝌文程邈篆
玉函龍氣老聃書
荷鋤種藥他年事
倚杖穿雲此地初
相于一餐身力健
芙蓉蒼翠濕衣裾

登華嶽作

獨上鉤梯覽大荒秦關終古氣蒼蒼天開閭闔
纔尋尺地界離梁入渺茫五粒松搖羣帝珮三
漿露挹百神觴仙人方野青冥上更欲凌風度
石梁

松風謾謾步虛聲杖策高尋衛叔卿星近祠壇
光欲墮月臨仙掌夜偏明扶桑萬里天鷄曙箭
括三更石馬鳴誰信楊雄擅詞賦不將綵筆記
層城

鸚鵡

雕籠萬里托征鞍辛苦何辭行路難幽閣恰添
嬌女伴方音猶作部民看且分薄俸供秔稻莫
遣春風瘁羽翰流水隴頭相憶否朔雲邊月不
勝寒

古銀櫪歌

我有匣中銀鑿落碧山山人手所作背鏤至正
壬寅字點畫形模今宛若斷節枯根紛錯糾中
有仙人博望侯衣冠甚古鬚髯蒼飄飄一似乘

孤舟肘後惜無筇竹杖袖中或有安石榴人言
八月泛天漢支機石畔逢牽牛奇事流傳見圖
畫鍛師何意窮雕鏤當年親致汗血馬飽歷條
支經大夏安知骨貌久銷歇供人把玩充杯斚
金人已去相泉臺玉液常霑白蓮社嚙我瓠落
溝斷同潦倒賴爾衰顏紅有酒如澠不稱意欲
求仙術尋壺公跳身此標之腹中窮源再入馮
彝宮爲侯改號鵬彝翁胡爲低肩偃蹇在塵世
枕蛟騎虎愁吾躬

挂劍臺

在張秋鎮

延陵季札賢公子腰下芙蓉淬秋水一片心期
不忍寒蕭蕭隴樹虹霓紫歷聘諸侯未及命魚
腸剗刃王僚死躬耕三讓宗家法吳邦不受輕
如屣闔廬枉白鑄黃金屬鏤不以誅奸嚚當時
刳梓尚權衡劍客縱橫仁義否君臣父子競相
屠谷風之刺徒爲耳公子深憂在萬古聊因死
友扶人紀縞紵非無胣與倚千金獨向徐君委
刳來酌酒想遺風荒臺半北埋寒叢麒麟寂寞

一抔土誰其樹之松柏桐人言墓草似干將
轆蟬鼻將無同三十年來不復甲枯根或化爲
蛟龍水湯湯兮風烈烈篝火黃昏讀殘碣金石
有時銷此誼長不滅君不見交態紛紛等阡陌
任助門莠無弔客

竹罌草堂歌

膠城朱松隣白門漢仲謙皆以竹罌擅名

君不見見練川朱生稱絕能昆刀善刻琅玕青
仙翁對奕辨毫髮美人徙倚何娉婷石壁巉巖入
煙霧澗水松風似可聽鏤玉雕犀安足誇玻璃

可碎犧樽腥白門濃生亦其亞大樸不斲開新
酬虬鬚削盡見龍蛻輪囷蟠屈鴟獩形匠心奇
剝古無有區區荷鍾羞劉伶妙製流傳真者少
何侯得之爲異寶大書深刻作堂額客至登堂
多不曉我來問名請縱觀錦筍纔開稱絕倒黃
俸添栗糲且堅潤比瓊琚兼肉好何侯啖我燒
羊脾華髮臨風除白恰堪列唐昌觀裏花欄餘
甫里先生鴨美酒元從白墮傳新芻更得青州
法南人不慣北人懼繩牀坐聽糟牀壓君不見

蔡邕笛千季人去亭名柯詎若龍鍾古節大如
斗真堪一日十摩挲銅盤絳燭朱顏酖升君之
堂爲君歌年來已厭烏程釀客中十斛須相餉
沙棠樹下牡丹叢蓓蕾計日應全放殷勤欲倩
好風吹痛飲還期明月上預勅雙童洗竹罍待
余醉臥青絲幃

贈馬叅戎

君昔銜命赴臨洮少年意氣何雄豪狐白之裘
秦復陶袴韉帙首烏孫刀雪深草淺牽旅獒手

格猛獸如章羔綠熊赤豹遠遯逃生取蒼兕拔
其箠屯田蕪沒愁耘薶黃砂磧裏飛蓬蒿金城
戍卒飢嗷嗷翁孫刀略徒煩勞安西都護醉葡
萄誅來絡繹窮秋毫旋從丞相征哀牢五月渡
瀘入不毛苴蘭城下血戰鏖蠶叢鐵馬隨猿猱
李廣數奇功則高猿臂不得擁旌旄長嘯歸來
脫錦袍黃公酒醺換濁醪鱸魚三寸尊可芼安
能俯仰同桔槔美人環珮逢江臯感君一曲求
鳳操溫柔有鄉堪醅醕何勞錦字貽寶涓霸陵

醉尉空嘈嘈吳鉤夜作蛟龍號孫盧餘孽阻風
颺天威赫怒集征艘樓船十萬聲喧囂何人爲
薦公孫敖鏖弧重繡解弓發洗清瘴海爲城濠
雲臺圖畫鄂與褒道傍笳鼓驚兒曹丈夫窮達
信所遭

棧道平歌爲賈膠侯尚書作

君不見梁州之谷斜與褒中有棧道干雲霄仰
手可以捫東井下臨長江浩汗洶波濤大禹旃
旆恐未到帝遣五丁開神臯巨靈運斧地維絕

然後南通巴蜀西羌髣蛇盤榮紆六百里千回
萬曲緣秋毫懸車束馬弗可以徑度飛騰絕壁
愁猿猱漢家畱侯真婦女烈火一炬噤徒勞噫
嘻乎三秦之人困征戍軍書蠶午如蝟毛噉枚
荷戈戟轉粟窮脂膏估客爾何來萬里競錐刀
須臾失足幾千仞猛虎蝮蛇恣貪饕出險醺酒
始相賀燐燐鬼火間呼號泰運開尚書來恩如
雨露威風雷一呼集裔鍾再呼伐薪柴醇醢澆
山萬夫發坐看巉巖削盡爲平埃噫嘻乎盪烈

山澤四千歲火攻莫救蒼生災昔也商旅魚貫
行今也不憂狼與豺昔也單車不得上今也康
莊之塗可以走連輦獎僮巴舞貢天府桃笙賓
布輪邛嶮歌幽風擊土鼓賈父之來何晚哉豐
功奕奕垂萬禩經濟不數韋臯才 中朝袞衣
待公補璿璣在手平泰階西望劔閣高崔巍側
身欲往空徘徊大書深刻告來世蛟龍岌業磨
青崖金穿石泐陵谷徙我公之功不與伏波銅
柱同塵埋

剡溪道中作

昔人乘雪往而我溯風行萬壑穿雲轉孤舟與
石爭魚游寒水見鷗立夕陽明安道畱遺宅寥
寥千載名

已酉正月過姜如農東萊草堂

拜杖端門下孤臣命若絲何堪天譴日卽是國
亡時諫草傳梅尉扁舟混子皮似君幽隱意獨
有白鷗知

同時熊給諫不異楚靈均破衲稱開士殘碑記

黨人老從方外友，悟彼定中身。應據生公石，
軍持話宿因。

同牧仲弟及譚長益宿焦山僧舍分賦兼
送牧仲歸黃州

薄葺煙方合，蒼茫見蒜山人。依青嶂臥僧與白，
鷗閒殿角松杉內。江聲枕簟間支筇，臨絕頂縹緲振衣還。

高下精藍啟黿鼉，相伴居鹿裘。三詔客龍氣，兩
朝書城郭。孫吳後江山，戰伐餘弔君。譚赤壁勝

跡定何如

寓侯記原秬園

侯廣成先生故居也

繫舟猶未穩
邀我過西軒
舊好敦三世
新知在一言
空餘袁粲宅
不返汨羅魂
君問浮生事
蒼茫掩淚痕

上巳遲三月

是年閏二月

高齋自一家
魚梁連竹屋

雞柵縛藤花
萬木偏能冷
羣鷗未覺譁
臨邛頻送酒
莫遣豹奴賒

送曹澹餘少宰開府黔中

青門一相送陌上雪初消
并導騎馴象殊恩解
御貂山川分五嶺風壤半三苗
幕府陳琳在征
途慰寂寥

八尺連錢馬銀鞍玉鑿蹄
賜從天廐內直到夜
郎西文綃寬邊吏壺漿拜遠
黎應憐謝康樂春
草獨含凄

贈周計百郡丞時方擢太原太守

爲憶梁園客曾題庾嶺書
交遊憐我在憂患識
君初使酒狂猶故論文老不如
依然朱紱舊誰

道 王恩疎

貝錦何年織遭逢頗似卿蛾眉元不減馬角幾
曾生姓字傳三殿旌旄冠百城君看太行險未
足敵人情

佐郡領雲州弓刀出塞游人煙稀馬邑雨雪濕
貂裘訪古過青塚開樽醉白樓寄言魏光祿莫
惜作書郵

晉國桐封地年來困繭絲叔虞風自古尹鐸爾
堪師門俗熊羆軼勞民蟋蟀詩懸知汾水上竹

馬過羣兒

九日送程崑崙謫刺羅州同顧菴西樵周
量阮亭賦

青衫人欲老五馬向西州鄉樹黃河隔山城漆
水流袴襦歌叔度稼穡頌公劉華嶽登臨後題
詩寄舊游

新婦怨

妾似初弦月纖纖只半弓未逢三五夕還與缺
時同○何其修也

渡黃河

半世行藏敢問天
身如百丈往來牽
傍人代我思前事
曾共驪龍夜夜眠

夜聞鶴唳聲
侯稚園曰張氏蓄此有年一
旦求售予以貧故失之今爲鄰園有矣
因成絕句

數聲清唳隔松陰
孤客銷魂萬里心
莫向鹵鄰彈別鶴
仙人元自重黃金

秋雨聲

劔閣泥深幸蜀年淋鈴一曲至今傳
霏霏無奈初長夜淅淅偏多向曉天
衰柳堤邊驚鷺語枯荷葉上攪鷗眠
盧家少婦橫波淚濕盡箜篌上五絃

鳥聲

三匝樓烏夢不安哀鳴睥睨曉霜寒
豈云宕子從軍樂似訴征人行路難
金井轆轤梧乍脫白門樓閣柳初殘
賤臣哭後頭終黑腸斷當年太子丹

蟲聲

耿耿雙星隔絳河
亂蛩幽怨出平莎
美人簾外清商曲
壯士尊前變徵歌
爲傍疎燈哀轉劇
却憐明月語偏多
西堂有客中宵坐
九辯吟成奈爾何

角聲

一更初奏五更終
畫角長隨萬里風
夜月飄搖沙磧外
曉霜嗚咽戍樓中
飛來雨雪嘶邊馬
散入川原起塞鴻
解道秋聽殷地發
白頭愁殺杜陵翁

陵翁

舍姪稼菴小石至京慰問悲喜有作

檻車北發賤嚴霜念爾飄搖在豫章十載話來
真夢寐一家人際小滄桑嵇康未死求丹訣阮
籍何歸哭白楊兒說鄉園親串少沙蟲猿鶴總
堪傷

上總河朱尚書

神京飛輓仰河堤禹宅司空職貢齊十有二川
勞赤舄八季三過錫玄圭安瀾詎見潮如馬保

障何勞石作犀莫向東南憂
杆柚提書今已罷
征西

寄劉雪舫

爰從北寺代呼天送客魂消死
別季人向生
卉曾自祭詔從江上忽驚傳
酸風楚雨懷沙賦白鴈青楓
訪戴船欲向篁湖尋釣艇
乞君三畝種瓜田

勝果寺

鳳凰山半古招提
隔岸青山接會稽
澗水幾層

穿宋苑夕陽一片在蘇堤樹經樵斧倉庚少澗
落江門白馬嘶行到中峰更回首畫樓粉堞望
還迷

送別張登子

鶯花三月峭帆孤開道相如騎甚都北固重臨
多戰壘黃河肉上見平蕪世情不易容龍性交
道從來在狗屠京洛若逢金馬客故人憔悴得
知無

九日同姜如農王西樵程穆倩諸君登慧

宋荔裳

卷之二十二

望 枕江堂

光閣

塞鴻猶未到燕城
載酒登樓雨乍晴
山色淺深隨夕照
江流日夜變秋聲
上方鐘磬疎林滿
十里笙歌畫舫明
空負黃花羞短髯
寒衣三泮客心驚

丁未閏四月姜及生先生招同孫魯山年
伯游牛首從獻花巖至祖堂信宿乃還
城中雪霽瞻雙闕
此日追陪杖底看
古木十圍遮鳥道
大江千里見龍蟠
行穿洞壑樓禽響
臥

近星河襖被寒壺榼已傾童子報夜來添笋足
朝餐

夏瑗公先生廿載淺土門人盛珍示卜地
葬之以其夫人祔焉高其義爲詩以贈
幾年松檟缺經營負土荒原賴友生曾賦國殤
哀翟義竟無備保付王成月明大鳥來華表劍
合雙龍捲素旌二陸冤魂應共語雲車風馬笑
相迎

胡去驕羅以獻將歸楚中小集南園卽席

分韻

纔從雙屐探梅萼忽送孤帆折柳條
唳鶴灘頭春欲盡鷓鴣陂上夢方遙
生徒南郡悲長笛詞客西京有洞簫
我亦因君動歸思那能長住伯通橋

元日祀先大夫兒輩相隨拜晚頗能成禮
喜而有作

華髮支離歎解民椒觴獨薦苒
霜巾松楸又歷三冬俎豆新添一
輩人拜舞儼依嚴父膝登

臨能掖老夫身明季小塾誰先入篋裏遺經爲
爾陳

元日日食陰雨不見越四日微雪不成夜
乃大雨排悶賦詩

歲云改矣寒方劇日有食之雲氣微柳色偏於
南國早雪花長似北人稀愧無旨酒會鄰里且
擁殘書眠竹扉堪笑兒輩強解事闌街簫鼓試
春衣

姜奉世新寓園亭故相國申文定公別墅

也余所居西百花巷相去纔二百武客
中無事晨夕往來賦詩書壁以紀歲時

二首

冠蓋當年盛故鄉論交三世羨潘揚
夕郎封事畱青瑣吏部遺文有墨莊
松菊荒蕪堪灑淚江湖飄蕩此登堂
故人牘有姜肱在百尺高樓共
一牀

結構何須論拙工知君丘壑在胸中
林塘疎豁用卿法裙屐蕭閒有父風
萱草堦前抽短碧梅

花雪裏弄新紅
醉歸不畏春泥滑
只在吳趨巷口東

臂痛

流尾餘生脫禍機
衰遲真與病相依
畏途休歎肱三折
旅臥新消帶一圍
眠柳應慚黃犢健
掠波空羨白鷗飛
青生白乏封侯骨
相者從來不厭肥

舟中夜讀

病起蕭然岸幅巾
蒲帆高掛四無鄰
生憎白髮

將子侮稍喜青燈與客親興廢渾如前日事鬚
眉真見古初人他年笑向兒曹說乖老方知有
斷輪

行樂詞

三間笠澤魚鱗屋雙槩松江鴨嘴舩長大從吾
釣秋水大兒振柁小兒牽
霜露年年隔墓門歸騎竹馬薦鷄豚夜臺此日
悲還喜松柏成圍始舉孫

小引

魏子曰魏博之東有鎮焉河流環繞左右蒔植
榆柳桃杏之屬春風扇陽水深淺不時渟爲沙
漾爲灘初旭臨之色爲丹爲碧居人被以名曰
金沙灘豫之消運必由此達河以達京師督精
使者雖駐節于鄴半居停焉癸丑春訪范挺嶽
使君始至其地寓僧寮香茗之餘登準提閣虛
無人得金灘倡和詩一帙于內典叢雜中喜讀
之知爲張爾成先生作也先生先范使君督豫

潛內召行其登獎剔蠹猶噴噴有聲公餘以
風雅振作鄴中使曹魏一家不得憑凌千古每
多慷慨悲歌盡收燕趙之才余屢索其集于河
朔李大叅僅示數章茲復得此于三千大乘中
合梓以傳豈非神靈之所阿護爲金沙灘畱此
一段佳話耶雖曰吉光片羽也亦已慰余十載
停雲之思矣進求其全焉俟之異日

百名家詩選

廂清魏 憲惟度輯選

吳縣范 周挺猷 嘉善顧耿臣奕聞

叅

元城錢 綆瞻海 武昌張皐謨汝士

張永祺 字爾成大興人

立春雅集

良辰握手歲將闌酌取新泉春到灘林鳥穿簷
喧暝色瓶梅向客傲餘寒杯傾雪膾香飄細松
泛雲根露尚圓懶說世情空過眼詩中天地置

身寬

癸卯元旦

朝元闕下肅元辰
猶記鑾迴祀六禋
擊鼓辛盤畿甸俗
呼嵩琳宇遠臣春
青山躑躅懷人舊
薇省蹉跎讓歲新
幾欲覆蕉書甲子
漆園寤後蝶知巡

人日詩 限體韻

春字

拂拂晴光四望春
依依苑柳意窺人
天回大陸

寒雲歛日上中原草色新縱酒何妨空舉筑乘
槎猶自媿知津盍簪且喜同晨夕奇句燈前細
討論

寒字

朝光入戶破餘寒晨雀爭枝意未安野寺疎鐘
吟盡漏平泉春水靜前灘中天貢粟黃龍舫合
殿傳柑碧玉盤九陌笙歌聽未厭幾回鄉思罷
憑欄

花字

村村喧羯鼓春至野人家
泛此三冬雪行看三月花
晴嵐浮曉翠獨樹噪昏鴉
萬象風光爛殊鄉感歲華

遲字

見說天心復崇巖徧曉吹
春從隔歲早花豈傍人遲
愁劇尋梅笑官閒刻燭宜
上方燈火麗倚徙萬年枝

較字

昨日漏春光隱隱花欲暈
花意自先春春寧與

花較浩蕩動余懷
裘裳理輕權

賦得春寒花較遲

東風吹律到千門
初日曛曛照原隰
萬葉蘇萌
雷雨功擱取有時
任所給君不見城
西西山凝
積雪嬌鶯拭羽語
猶澀篴管十畝足
寒條深谷
幽蘭香欲襲上林
春水漾流澌嘉樹
迎風綠漸
垂公子調筆初出
郭美人剪帖製新
詞年年此
日稱人日人日芳
菲欲向離伊余昔
謫江之濱
奇龍瀟湘深冬吐
絮家守歲放桃花
涼燠無時

因風雨蛺蝶下。鳳日和俯仰。黃初發浩歌。况
復客與踏春波。浮白與客醉。顏酡粲粲新英入。
目多寄謝寒威。六月息託根。結實資其力。春來
好景與人同。扶挾看花花自得。

譙集

演廬生雜劇

共有鄉心向客持。春晴更與月相宜。覺來無夢
歌留譜。醉裏看人酒去卮。風動爐煙薰蕙細。花
催漏鼓落梅遲。河橋幾度東方曙。轉憶當筵入
夜時。

小集

求友嚶鳴切詩成許數過興來忘地主醉後飲
天和捲幔春星落窺雲澹月吡向來歌吹發吾
意亦婆娑

對雪

餘寒春未散樹杪六花盈掠鳥飛猶濕隨波點
故輕且耽千日醉莫問五侯鯖欲共清輝迥長
空月有情

元夕讌集

卷之三
夜色迢迢玉宇端
參差翠影萬峰盤
草青春服
牽書帶花隱芳尊
似合歡
久客良宵增短鬢
故鄉明月滿長安
種桃人醉臨風發
笛裏江梅落未闌

讌集

燈窗此夜未全燒
月湧長空影練潮
萬戶踏歌香綺陌
九霄吹煖濯新條
人間好景今猶昨
節物方春晝讓宵
取醉天街看火樹
也應坦步樂徧饒

得仲連書喜而有作

長安冠蓋交烜赫金張第遨遊金谷園朝華夕
委砌上客侈聯鑣笙歌競狼戾吾子廁其間冰
雪不相締蕭然一篋書擷芳采六藝有時發枯
吟太空秋蟬蛻霜畦逞韭花白酒酣新霽萬事
伏枕過六書一燈細終日無所語孤行海嶽勢
昨來薜荔裳慰我梁園滯展此瑤華音晴嵐俯
天際百川日夜流一雁聲嘹唳蘆溝攜手行十
年九分袂坐待月華升圓景散虧蔽與子堅素

心芳草珍蘭蕙

白雲從東來空庭一棲止悠然萬古心秋水差
相似寒鳥日夕翔雨雪遺音旨念我生平友中
夜披衣起徘徊視孤檠炯炯心猶是華星錯遶
空廣除翳紛委歲月車馬間勞人昧所以上國
勝遊觀聊榻披圖史一別阻清歡素書憑雙鯉
達士未曠觀嗟余逐強仕歲晏梅花開夢子空
山裏

送施愚山遊嵩少

嵩嶽立中天河流具今古在昔祀典脩百靈尊
后土閱世槐與栢歷歷猶可數日月出其中川
原如在戶千年寥濶心達者與爲伍愚山秉奇
尚所歷不自詡飄然來帝京預想吟梁父羣公
富詩篇偕爲茲遊譜恍惚陟其巔奇妙一一覩
秋光清遠心登頓未停午捫蘿石徑懸蒼翠衣
裳取三花拂面生二室森然俯萬壑變陰晴九
州入吞吐平田吹稷香石髓流鍾乳迴瞻草履
跡處處烟生縷青到一色天白眺下方雨蒼龍

澗底眠異獸。庠空舞仙掌。蓮花峰。茸露傳燈祖。
殿角新琉璃。殘僧築環堵。梵音空裏聞。定香散。
天姥花氣四時春。鶴言此山主。嗚呼湖海遙名。
嶽崇於五。寄謝簪裾。儔小豁。胷中腐。平生江南。
遊登岱。曾行部。大觀窮宇宙。廬杖終焉補。

螺浮給諫臨別見示諸老和言率步

五首選二

十年霜雪老黃門。樓外梨花客邸尊。兩袖澤蘭。
歸雁影。片帆津樹暮潮痕。不將白簡紆臣節。依。
舊青山頌。

主恩來往一身仍似葉幾多心事對江村

十年霜雪老黃門受賞何如納諫尊抗疏薊東
空有淚埋輪亭下竟無痕禁鐘青瑣歸前夢
角牙旗是處恩南國流離今在眼爭臣未許北
山村

愚山自永城寄詩答後再寄

朔風旅館客初醒馬首孤吟到會亭讀罷挑燈
愁默坐白雲蒼壁雨泠泠

梁園東望草荒荒曉日鴉啼屋上霜一片閒心

渾未倦敬亭無柰候歸裝

不寐

不寐漏三更風聲雜雨聲寒從欹枕得夜向一
燈明閱歷成吾老艱難見物情一帆歸計早負
郭看春耕

淇泉道上大風苦寒

晚來雲從日脚起須臾暝色催行李策馬衝寒
到驛亭一燈熒熒響窓紙白酒數杯解饑飮枯
腸欲鳴聊徙倚夜半忽聞風吼聲倒海驚沙震

遠邇坐久空牀不能寐攬衾就枕涼如水曉行
酒力面難勝泉流淙淙復聒耳道傍候吏我知
爾笑我風塵猶未已茅簷婦子三五人欲向使
君有所陳使君年年去都門一年幾度走河濱
昔日紫髯豐頤頰今來憔悴鬢如銀殷勤婉孌
爲余說昨歲苦寒地凍冽早春無雨麥苗稀四
月黃蠶桑枝折使君六月住都門此地三伏苦
炎熱秋來一望草全枯井渴石乾泉亦竭狂飈
鎮日走黃沙到今十月仍無雪倉皇數語畏人

曉其時低頭眼流血我聞此語如履冰立馬當
風寒欲徹嗚呼吾寒尚有敝羊裘嗟爾百結鶉
衣不自由嗷嗷懸磬勤輸納吏呼夜怒聲啾啾
吾聞冬雪春雨太平日柰何獨厯廟堂憂

曉起

曉起倦前疇平沙一雨收烟容吹日白雲氣結
風柔路暗車聲緩人稀鳥語稠醉鄉何處是身
世一菟裘

衛源道中遇雨有懷釋堂

細雨迴風洒鬢星瀟瀟寒鳥倦梳翎烟生四野
虛疑白雲合千山不見青薄宦敝裘憐僕御衝
寒沽酒指旗亭故人一水盈盈外此夜悲歌莫
漫聽

贈程念伊太守

暮雨征途不暫閒停車相向意茫然秋來駐馬
纔三月冬去除書又一年漢代股肱褒治郡周
南方嶽賦歸田家園直北抽簪去春日遲遲花
正妍

和釋堂送顧菴年兄南歸原韻

去矣詩人又漸稀
青尊遙夜暫相依
西園詞賦憑誰寄
南國文章羨爾歸
落日蒹葭鴻影亂
秋江烟雨蟹螯肥
應憐畱滯登樓客
寒夜論心願不違

僧房長夏反離騷
燕市狂歌飲濁醪
野水沙鷗迎畫舫
澄嵐翠黛識宮袍
思歸媿我荒三徑
頌酒知君藐二豪
到日攜筇清興適
白雲紅樹兩峰高

繹堂再飲齋中臨行貽詩率步來韻

欲別何能醉非君不可留空齋憐仲蔚前路有
江州落葉山泉響修篁石徑幽此行殊自得怪
爾咏蜉蝣來詩末句有蜉蝣一語故及之

爲愛山光好來游勝拜官鴻歸香橘柚鳳至韻
琅玕驛樹橋邊密明星馬首殘信陵俠客地俯
仰一盤桓

送胡存人南歸

握手談今夕離情已黯然師恩深自責交態畏

人憐別酒風前路孤吟日暮天停鞭聊極目江
水迥浮烟

贈佟高崗中丞

上公勲伐重開府廟謨尊峴首今羊祜湘南舊
馬援地當三楚盡江到萬山吞節使來金殿先
聲震石門百蠻欣日近殊俗感春溫夜靜狼烟
息關嚴虎旅屯羔羊期共勵琴鶴淡無言作賦
巖阿桂裁詩江上村懷柔

天子德廉靜大夫恩月皎牙璋雪霞標銀簡嗽功

成麟閣畫爵錫馬纓繁巴蜀棠陰徧西江樾蔭
存竹鷄時雨潤銅鼓晚風喧引領紅雲表傷心
白日昏車廻南服轍樹隕北堂萱淚向丹楓洒
啼垂縞帶痕十年重過鄴一水湛如洹自顧迂
疎陋深維剪拂敦星霜趨左个霖雨望中原宣
室勤清問民艱好坐論

孫無懷同家爾執遊黃華

見說黃門彥林慮紀勝遊巖深常帶雨樹老自
生秋絕壁無人到仙踪尚可求三峰畱筆處日

月濯苔幽

佟中丞惠丹砂滇棋賦謝

中丞立馬散清風高誼雲霄自不同
枰對松筠局外冷丹成鷄犬鼎邊逢
刀環明月流霜雁尊酒長河落彩虹
憶昔王陽從此去彈冠原未及無功

西樵考功貽書見詞寄此奉懷兼呈貽上

農部

長夏炎蒸三逕蒿南來一雁朔風高
詩成江漢

諸姬盡別後關河尺素勞修禊他時同逸少含
香此日憶山濤支離病骨誰能飲愁聽疎鐘首
重搔

鄉心遙夜麗譙驚賦就懷人夢未成伯仲臯夔
時並馬文章海岱有同聲西園池冷松篁色上
客歌殘雨雪行北眺薊門流片月霜深萬木射
鵬平

送爾執北歸後悵然有感

鄉關攬轡客心驚薄暮空林倦鳥鳴婚嫁向平

雙鬢改酒棋謝傳一身輕
桑乾雪映千山曉
易水霜流萬壑清
話到微醺官舍後
膝前兒女一含情

二難早歲共鷄窓
屈宋衙官意未降
家學有人能接武
諍臣如子可無雙
牙籤連屋吟清畫
枰幔當樓坐碧幢
見說登臨南國勝
月明蕭史醉邗江

城隅素業杳難尋
小閣疎簾月在林
叫樹鴉聲啾夕照
窺園鶴影立清陰
三春燕子年年社
九

日西風處處砧老大思歸渾未得難消酒力五
更心

李吉津夫子貽書兩及書此寄懷

深杯消社事桑柘帶平蕪舊侶辭三殿新知得
玉湖攤書晴日好習靜片雲俱欲問蒼生累高
吟且據梧

人誰嗟失馬我亦類飄萍聽雨頭新白看山眼
舊青水環沙麓障雲覆早春屏寥落渾無事流
年紀驛亭

寄懷杜子靜太史

帝城烟柳藹春風
珥筆從容閣道東
豁達欲交天下士
殷勤愛與故人同
異時司馬文章盛
此日征南物望崇
退食啣杯何地醉
憑欄延佇有歸鴻

媿我迂疎咏四愁
多君意氣重千秋
青黃肯假良工飾
騏驥終爲造父求
大陸寒雲吹去鳥
晴澗芳草狎輕鷗
燕關勝友多能事
授簡誰居最上頭

十年踪跡漫浮沉
落月晨鷄異地心
紅藥一堦翻舊雨
朱絃三嘆有遺音
晴雲遠度層城曉
瑞雪遙連太液深
莫謂陽春無和者
春郊解纜一追尋

擁爐覓句夜將闌
濁釀荒城笑一官
殊俗辛盤聊結轡
同人金馬慶彈冠
千門柳色迎初日
二月鶯聲破曉寒
直北宵鐘疑入耳
相思一水到前灘

十六夜風雨

尚有昨宵典。當尊幸不空。澆愁風力側。滑履雨
香中。燈影參差照。銀花斷續紅。漢官傳燭久。此
牧望恩同。

贈繆鼎鉉少尹

悠然真吏隱。三徑足煙蘿。養鶴噓池水。還丹濯
桂柯。方春行藥遍。長日對松哦。百里歌賢佐。應
知虎渡河。

贈向望淵進士南還

楚水江雲夢與俱。維舟曉發咏卬須。宜民雅欲

來鴻鴈治政還能聽蟋蟀車過洪泉瞻萊竹煙
深行麓俯平蕪春來花事河陽盛羨爾飛鳧遶
碧梧

冬日過衛源贈李素園叅藩

太行西望曉生煙使節中開雉堞懸緩帶舊聞
羊叔子揮毫今識李青蓮牙旗畫靜飄霜葉鼓
角宵嚴枕衛川獨媿征車來往急蹉跎我自負
流年

高齋徐步散清幽遙夜寒鐘動客愁健隼空過

牧野地紅雲不斷望京樓一庭涼雨身同鴈四
壁蒼巖畫勝秋南眺鄉關鮮荔熟分甘何日到
中州

李大叅招飲卽席賦贈

相逢握手一尊開不盡天風送客來把酒豈無
燕市筑談詩空老建安才舊游鴈塔音書濶新
到龍門笑語回記得年時杯味美冰花綺席凍
雲催

棲遲鄴下感鵲鵲檠戟相依百望遙人世尚容

青白眼我行會與雪霜邀歌闌擊缶鄉音習飲
劇挑燈夜色驕爲問投桃南去意新詩定擬勝
瓊瑤

金灘賦增邵凌玉學憲

河畔春風解纜初故人相向漫歔歔握中十部
名山業篋裡三年秀水書地近楊雄時問字途
臨阮籍一廻車桃花水遠漳河去尺素東來寄
鯉魚